

Ein lied in Zolner melody
die ausschaffung der Ju
den von Regēspurg
bezaichende.

ADRIANUS
UNIVERSITATIS
MONAC.





¶ Mit freuden will ich finden/ auß frischem
 freyen müß / Ich hoff mir soll gelingen / die
 sach wirdt werdenn güte/ groß wunder thut
 man spehen/ zu Regenspurg in der Stat/ wie
 es yetz ist beschehen / alls mancher man mag
 sehen/ bey einem weysen Ratt.

¶ Maria künigine/ du hymelischer thron/ ver
 leich mir weys vnnnd sinne/ ich du dich ruffen
 ann/ das ich frölich müß singen / zu trost der
 Christennheyt/ das wir die Juden zwingen/
 die vns wollen vertringen/ hilff vns du schön
 nemeyd.

¶ Nun mercket furbas wüder/ zu disem new
 en jar/ wol von der Juden plunder / der was
 ein grosse schar/ sie heten vberkummen/ manch
 en Christen man/ mit wücher über numen/ dz
 bracht vnns keinen frumen/ das habens lang
 gethan.

¶ Zu Regenspurg seind sie blißen/ lenger dan
 tausent jar/ man hat ir nie vertriben/ sagt vns
 die gschriffte furwar/ sie thettē seer beschwerē/

die frummen Chriſten leüt/der Chriſten ſecel
 leren allein mit wucher neren/als ich auch hie
 bedewet.

¶ Merck weiter allesamē/wer hebt die wun
 der an/herr Balthasar mit namen/ein doctor
 auff dem Thum/von wucher thet er ſagen/
 zwey jar vil manche ſtunde/auch wolt er nit
 vertragen/auff ein Reichstag thet ers klagen
 vber die Juden hündt.

¶ Solt wir das lenger leyden/es müſt vnns
 werdē leyd/das ſie ir eer abſchneyden Maria
 der ſchönen mayd/Got wolt das vteyl ſpali
 ten/iſt vnſer aller Beger/die gerechtigkeit han
 halten/des müſ maria walten/darzu die ple
 dige.

¶ Herr Thoma fuchs mit namē/der hat red
 lich gethan/Sigmundt Schwobel der frumē
 portner Caspar Amman / Hirſtoffer all ge
 leyche/die Burger in dem Rat/keiner darvon
 thüt weichen/Got laſt genad her ſchleychen/
 ſo werdt wir alle ſatt.

¶ Got wolt den hochmüt rechen / gab Snnis
 in vnser handt/die Synagog zerbrechē/auch
 nemen vnnsre pfandt/kein wücher wöll wir
 geben/als wir lang habē than/nach eern wöl
 wir streben/es kost recht leyß vnd leben/Ma-
 riam rüff wir an.

¶ Herzog Johann mit namē/ein pfalzgraff
 bey dem Rhein/ein Fürst von edlem stamē/
 erzeigt die andacht sein/sein Landschafft mit
 im brachte/etliche hundert man/ein güt exem-
 pel machte/er in jm selbs gedachte/das haubt
 sols fahen an.

¶ Zum Adel thet er sprechen/nement euch nie
 so gach/mit reissen vnnnd mit brechen/das ge-
 mewr felt auch hernach / alls bald die heuser
 krachen/so fliehet schnell darvon/die Juden
 würden lachenn/so einer in disen sachen/mit
 todt wurdte vnter gan.

¶ Wenn wir die sach volbringen / was wöll
 wir machē drauß/Maria der künigin/bawē
 ein schöns gonghawß /darinnen wöll wir lo

ben/Maria die schöne meyde/am wagen hat
 sie geschoben/den Juden wücher kloben/lob
 eer sey ir geseyd.

¶ Wenn ist nun das geschehen/das setze man
 auch darzü/mancher das thet sehen/an sant
 Peters abent früe/do hub man an zubrechen/
 manicher Christen man/einer zü dem andern
 sprechen/mit hawen vñnd mit stechen / kein
 stain auff dem andern lan.

¶ Das thet die hunde verdriessen/man wolle
 sie schaffenn auß/man thet sie alle einschliessen
 yezlichen in sein hauf/darinn must er Beleiße/
 kindt weyb vñnd auch dy man/die pfandt thet
 man beschreyben/nach mals was kein Beley-
 Ben/sie musten all darvon.

¶ Ein frist thet man inn geben / byß auff den
 dritten tag/ das merckten sie gar eben / fürten
 ein grosse klag/sie musten all von dannen / es
 mocht nit anderst gesein / mit greynen vñ mit
 zannen/die weyb vñnd auch die manen/ir key-
 ner kumpt mer herein.

¶ Sie fassenn auff die schiffe/ do kam ir letzte
 stundt/ die ruder man angriffe/ ir keiner lachē
 kundt/ dorfften nit lenger bleyben / ir frist hett
 gar ein endt/ ich kans nicht alls beschreyben/
 Juden kindt man vnd weyben / wie vil ir ge-
 wesen sindt.

¶ Redt weytter von denn sachen/ als ir habt
 lang gethan/ geystlich vnd wetlich lachen/ vñ
 auch der handwerck's man/ auß allen wache
 gedingen/ yetz mall zū diser frist/ vor freuden
 thet er springen/ sein hawen mit im bunnigen /
 dem wucher wider ist.

¶ Ir wucher der was so groß/ vñnd auß der
 massen hoch / das es manchen Christen ver-
 droß/ auß Regenspurg er floch / an eer vñnd
 güt verderbenn / bracht im groß hertenleyd /
 weyb vnd kindt enterben / in geltschuld muß
 er sterben/ das was der Juden freud.

¶ Sechs kleine kindt getödet/ der frummen chri-
 sten lewt/ von inn das plut genöttet/ vor einer
 langen zeyt / was sie byß her handt geübet /

ist noch nit als am tag/manch mutter hertz be-
trubet/das hat in fast gelybet/O wee der gros-
sen clag.

¶ Das sacrament durchstochen/habens ann-
manchē ort/daran sie sich gerochen/O mordt
mordt vbermordt / wie lang muß wir gedul-
den/der juden übelthat/sambt in wir vns vn-
schulden/vierlieren gottes huldē/Maria hilf
vnd rat.

¶ Schawt an die Juden hunde / jr layb das
was so groß/wol zū d selbē stunde/ wie stun-
den sie so plos/durch wücher sie versprochen
die frumen Christen leüt/Got lies nit vngero-
chen/ir hewser abgebrochen/mit einer Capell
vernerwt.

¶ Die Cappell wöl wir nennen / zū der schön
Maria frey / darbey wir woll erkennen / das
sy on erbsundt sey/in mutter leyb empfangē/
on alle mackell schon/nach ir thut die belangē
die irem loß an hangen / verflucht der wider-
thon.

¶ Mann findt wol eglich Chriſten/ die auch den Juden gleich/ ſich tag vnd nacht rüſten/ wider Maria reich/ ir loß hie nit vergünnen/ es thut furwar nicht gütt/ nichts werdenn ſie dran gewinnen/ mit ſchandt ſarn ſie von hinnen/ gilt manchem hals vnd plut.

¶ Doch eins das muß man faſſen/ es iſt warlich nit klein/ darumb vnns die Juden haſſen ob funfftauſen grabſtein/ ſein auff ir ſchelmgrub geſtanden/ bey weych ſant Peters plan/ mit bickel vnnd mit banden/ ryß man die auß zu handen/ die ma vor mußt auch daran.

¶ Auff den Karfreitag behende/ wurde drey crütze ſchon erhöcht durch chriſte hende/ wol auff dem ſelben plann. das mocht die hunde verdryſſen/ das mā es hat gethan/ doch müßen ſie das püßen/ der teuffel wirt ſie grüßen/ in geben iren lon.

¶ Hie bey muß ich auch ſagenn/ mit creützen kumbt man her/ von verren thut man klagen/ angſt not herglayd kummer/ groß kergen auch

Herbringen/von Stett vnd landt vberall mit/
betten vnnnd mit singen/vmb die Cappell sich
dringen/vil tausent one zall.

¶ Vil mesß gelesen werden/allzeit durch puen
sterschafft/der gleich sach nit auff erden/das
volck mit andacht behafft/ doch blinden wer
den gesehen/die lammen wider gan/die stummen
lob veriehen/teglich groß wunder gschehen/
der ich nit singen kan.

¶ Herr Melcher das vernam/ein Thumherr
in der stat/von Sparneck er her came/in die
Cappel er trat/sein erstes ambe zu singen/zwo
lob Maria fron/die Orgel sieng ann klingen/
sein gemüt von andacht springen/Maria gib
im den lon.

¶ Frewt euch ir Chustenn lewotte/die sach era
zeygt sich wol/als ich euch hie bedewotte/wie
man yetz sehen soll/von man vnnnd auch von
frawen/die lassen nit daruon/groß wunnder
thut man schawen/mit schaußel vnd mit hau
en/wol auff dem Juden plan.

¶ Grof wunder thut man ſchawē/ ye lēder
vnd ye mer/ von man weyb vnd jungfrawen
die kumen all do her/ Maria die thun ſie grūf-
ſen/ mit dē irem kindlein/ mit worten also ſüef-
ſe/ des leſt ſie vns genieſſen/ ſy macht vnns ge-
ſundt vnd rein .

¶ Grewdt euch ir Chriſten alle/ zū Regenspurg
in der ſtat/ darinn habt ein gefallen / der wir-
cher der iſt todt/ grof gnad thut vns herkum-
men/ das iſt mir worden kundt/ hie offt vil vō
den frummen/ d3 hab mir wol vernumen/ zwey
jar vil manche ſtundt.

¶ Das lob ſolt ir behalten / ir habe redlich ge-
than/ das müß ſant Wolfgang walten/ ſant
Erhart Hemeran/ gott wil vns nit verlaſſen/
thūe wir den willenn ſein/ ſar wir die rechten
ſtraſſen/ der hymel wird auf geſchloſſen/ ma-
ria leſt vns ein.

¶ Ob man wurdet weyter fragenn / wer das
gedichtet hat/ es hatſt geſhan ein Tagler/ zū

Regenspurg in der Seatt / er hatse so wol gen
 sungen / es ist im worden Kunde / Hieronimus
 Ell mit namen / gluck wünschet er allen frum
 men / auß seines hertzen grundt.

Gedruckt zu Landshut.

301

302

303

304